

MOZIO ARRUNTA,

LOIOLAKO KUARTELAK DONOSTIAKO ETXEBIZITZETARAKO BERRESKURATZEKO BEHARRA DELA-ETA

Amaia Almirall Lopez de Luzuriaga EH BILDU udal taldeko bozeramaileak, Udaltzaren Organo Araudiko 98. artikulua oinarri, honako MOZIO ARRUNTA aurkezten du, **Loiolako Kuartelak Donostiako etxebizitzetarako berreskuratzeko beharra dela-eta**.

JUSTIFIKAZIOA

2015eko abenduaren 22an Donostiako Udaltzarak honako erabaki hau hartu zuen:

“3. Loiolako kuartelak, Espainiako poliziaren eraikina Amara Zaharrean, eta Lore-Toki behortegia

- Berrestea Donostia hiriaren interesekoa dela erostea egun Armadak erabiltzen eta Defentsa Ministerioarenak diren instalazioak, Loiolako Kuartelak deritzenak, bai eta Amara Zaharrean polizia espainiarraren egoitzak okupaturiko lursaila ere, hartara, gune horiek guztiak erabili ahal izateko Donostian etxebizitzaren parke publiko finkoa egiteko premiazko beharrari irtenbide proaktiboa emateko, eta, hortaz, beharrezko negoziazioei ekiteko eskatzea.

- Adieraztea Donostiako Udalaren interesekoa dela Gobernu Zibila izeneko eraikina, udal ekipamendutzat erabiltzeko, Amarako auzotarrek, Donostiako kultur eta gizarte eragileek eta, orokorrean, donostiar guztiak erabili eta hartaz gozatzeko.

- Berrekitea Udalak Lore-Toki behortegiaren lurra benetan erosi ahal izateko negoziazioei, aisialdi eta kirol gunetzat erabili ahal izateko.”

2016ko Aurrekontuen Egitasmoaren eztabaidaren baitan Udaltzarak hartu zuen erabaki honetatik azpimarratzekoa da Udaltzarak agertu zuen kezka lehen puntuari dagokionez, hau da, etxebizitzaren parke publiko finkoa egiteko premiazko zatia jo zituen eremuak direla-eta, tartean Loiolako Kuartelak. Horrekin batera, bestalde, jakina da, etxebizitzaren parke publikoaren hazkundea asetzearekin batera, eremu hori hiriarentzat berreskuratzeko estrategikoa dela, oztopo hidraulikoak ezabatze aldera bertan egin behar diren interbentzioak direla eta.

Harturiko konpromisoari jarraiki, Udal Gobernuak garatu dituen harremanek hiriak behar duen emaitza eman ez dute-eta, espaziook ezin izan dira aurreikusitako berriki iragarri den etxebizitzaren planean. Are eta okerrago, egunotan jasotako informazioaren arabera, Espainiako Ministro Kontseiluak, dekretuaren bidez, zonaldea Espainiaren defentsarako interesekotzat jo berri du (*zona de interés para la defensa nacional*).

EH Bildu talde politikoa
Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia eh_bildu@donostia.eus

Erabaki horrek Donostiak dituen beharrak asetzea zailduko duelakoan, egokia da Udalbatzaren iritzia Espainiako Gobernuari irmotasunez helaraztea. Udalbatzak Espainiako Gobernua jakitun egin behar du, bere erabaki horrek Donostiak etxebizitzaren inguruan daukan problematika larriari kentzen dion aukera ordezkaz. Espainiako Gobernuak jakitun izan behar du bisio horrekin bat egiten duela Udalbatzak, eta Udal Gobernuak bateratasun hori lagun izan behar du, horri begira egin beharko dituen kudeaketei begira.

Horiek horrela, EH BILDU udal taldeak honako mozio arrunt hau aurkezten du:

MOZIOA ARRUNTA

1.- Donostiako Udalbatzaren Osoko Bilkurak dei egiten dio Espainiako Gobernuari gaur egun Armadak erabiltzen dituen eta Defentsa Ministerioarenak diren instalazioak, Loiolako Kuartelak deritzenak, Donostiako Udalaren esku behin betiko uzteko, adosten diren terminoen arabera eta dagozkion prozedura guztiak eginda, kontuan hartuta bertan Donostiak Etxebizitza Babestuen sustapena egiteko duen beharra.

Donostian, 2018ko maiatzaren 4an

Amaia Almirall Lopez de Luzuriaga
EH BILDU udal taldeko bozeramailea